

ՀԱՇՎԵՏՎՈՒԹՅՈՒՆ

2023թ.-ի հուլիսի 18- ից հուլիսի 21-ը Գերմանիայի Դաշնային Հանրապետություն (Վիլմ
կղզի) կատարած գործուղման վերաբերյալ:

ԳՈՐԾՈՒՂՎԱԾ ԱՆՁ

ՀՀ շրջակա միջավայրի նախարարության իրավախորհրդատու Լևոն Աղասյան

ԵՐԿԻՐ/ՔԱՂԱՔ /ԺԱՄԿԵՏ

2023թ.-ի հուլիսի 18 ից հուլիսի 21-ը Գերմանիայի Դաշնային Հանրապետություն, Վիլմ
կղզու բնության պահպանության միջազգային ակադեմիա:

ՀՐԱՎԻՐՈՂ ԿՈՂՄ

Գերմանիայի բնության պահպանության դաշնային գործակալություն:

ՆՊԱՏԱԿԸ /միջոցառման անվանումը/

Կենսաբազմազանության և Էկոհամակարգային ծառայությունների
միջկառավարական գիտաքաղաքական հարթակի (IPBES) Եվրոպական
փորձագիտական հանդիպում:

Հանդիպումը կազմակերպվել էր Կենսաբազմազանության և Էկոհամակարգային
ծառայությունների միջկառավարական գիտաքաղաքական հարթակի IPBES և
Գերմանիայի բնության պահպանության դաշնային գործակալության կողմից:

Հանդիպման նպատակն էր նախապատրաստվել Կենսաբազմազանության և
Էկոհամակարգային ծառայությունների միջկառավարական գիտաքաղաքական
հարթակի (IPBES 10) տասներորդ լիազուլմար նիստին, որը նախատեսվում է անցկացնել
2023 թվականի օգոստոսի 26-ից սեպտեմբերի 3-ը Գերմանիայի Դաշնային
Հանրապետության Բոն քաղաքում:

Հանդիպմանը հրավիրված էին Եվրոմիության անդամ երկրներից IPBES-ի
ազգային համակարգողներ Նորվեգիայից, Շվեյցարիայից, Մեծ Բրիտանիայից,
Գերմանիայից, Իտալիայից, Իսպանիայից և որպես Արևելյան Եվրոպայի և
Կենտրոնական Ասիայի ռեգիոնում ընդգրկված երկիր՝ Հայաստանի
Հանրապետությունը:

ՔՆՆԱՐԿՎԱԾ ԹԵՄԱՆԵՐԸ

Հանդիպման առանցքային խնդիրներից էր IPBES ազգային համակարգողների միջև
փորձի փոխանակման ոլորացումը՝ IPBES-ի շրջանակներում քննարկվող թեմաների և
ընթացակարգային հարցերի վերաբերյալ:

Հանդիպումների և սեմինարների ընթացքում քննարկվեցին հետևյալ հիմնական
թեմաները և հարցերը.

IPBES-ի մինչև 2030 թվականը աշխատանքային ծրագրի քննարկումը և
հաստատումը, որոնք նպատակ ունեն առաջ մղել IPBES-ի ընդհանուր
գաղափարը՝ այն է ամրապնդել կապը գիտության և քաղաքականության միջև
կենսաբազմազանության պահպանության և կայուն օգտագործման, մարդու
երկարաժամկետ բարեկեցության համար:

2030 թվականի աշխատանքային ծրագիրը ունի երեք հիմնական ուղղություններ.

1. Հասկանալ կենսաբազմազանության կարևորությունը 2030 թվականի Կայուն զարգացման օրակարգին հասնելու համար.
2. Հասկանալ կենսաբազմազանության կորստի հիմքում ընկած պատճառները և փոխակերպիչ փոփոխությունների չափորոշիչները և 2050 թվականի Կենսաբազմազանության տեսլականին հասնելու տարբերակները.
3. Բիզնեսի ազդեցության և կախվածության չափումը կենսաբազմազանությունից և բնության ներդրումներից մարդկանց համար.

Քննարկվեցին նաև Արևելյան Եվրոպայի և Կենտրոնական Ասիայի երկրներում կարողությունների զարգացման համար կարիքների և հնարավորությունների գնահատման մեխանիզմները, որոնք թույլ կտան IPBES-ի գործընթացներում ներգրավված երկրների և շահագրգիռ կողմերի լիարժեք մասնակցությունը:

ԱՐԴՅՈՒՆՔՆԵՐԸ

Քննարկումների ընթացքում ներկայացնելով կենսաբազմազանության պահպանության առկա հիմնախնդիրները՝ համապատասխան պարզաբանումներ և առաջարկություններ տրվեցին քննարկման շրջանակներում ներկայացված հարցերի վերաբերյալ:

Նոր Ազգային ռազմավարությունների և գործողությունների պլանների մշակման ժամանակ անհրաժեշտ է հաշվի առնել ավանդական հմտությունները, տեղական բնակչության և գյուղատնտեսության ներգրավումը կենսաբազմազանության պահպանության գործընթացներին՝ որպես կարևոր բաղադրիչ:

Արձանագրվեց, որ աղքատությունը և սոցիալական վիճակի վատթարացումը մեծացնում է ծանրաբեռնվածության ազդեցության աստիճանը շրջակա միջավայրի վրա:

Խիստ կարևորվեց տեղական ինքնակառավարման մարմինների ներգրավման անհրաժեշտությունը բնապահպանական խնդիրների լուծման ոլորտում:

Առանձնացվեց ինվազիվ տեսակների վտանգը տեղական էկոհամակարգերի խաթարման գործում:

Կարևորվեց մոնիթորինգի մեթոդների ներդրումը Ազգային ռազմավարություններում:

Հատուկ նշվեց, որ անհրաժեշտ է ավելացնել զարգացող երկրներին տրամադրվող ֆինանսական աջակցությունը:

Որոշվեց 2023 թվականի նոյեմբերի 6-10 կազմակերպել IPBES-ի գլոբալ երիտասարդական աշխատաժողով, որը տեղի կունենա Գերմանիայի Դաշնային Հանրապետության, Վիլմ կղզու բնության պահպանության միջազգային ակադեմիայում: Համապատասխան հրավերը Հայաստանի Հանրապետությունը արդեն իսկ ստացել է:

Շրջակա միջավայրի նախարարության
իրավախորհրդատու՝



Լևոն Աղասյան